

越縵堂日記

第二十四冊

桃花聖解盦日記丙集第二集

光緒元年乙亥冬十月二十四日丁亥曙午前發有風

作片致許竹簣還所

偕廣韵

得潘星丈書還偕去所校世說

殷夢庭來

作片

致朱眉夫偕盧刻禮記正義

得眉夫復以令弟鎮夫鼓山篆字題名

刻見眎 再作片致眉夫

邱鈔

禮部奏朝鮮國王李熙請封世子定例請派正副使各員持節往封除宗室人員例不開列外正使開列為左散秩大臣頭等侍衛銜名副使開列內閣學士翰林院滿洲掌院學士禮部滿洲侍郎銜名

詔副都統吉和為冊封朝鮮世子正使內閣學士烏拉喜崇阿為副使

二十五日戊子曙

閱養新錄

午詣眉夫談至晡後歸

作片致

夢庭屬轉取漢書地理志補注來

夜風記

二十六日己丑丑初刻三分小雪十月中曙風嚴寒始用鑪

作片

致許竹簣取還漢書地理志補注頭本

閩中樞一与慎伯於河事

畢生盡力自齊徐端以至楊以增凡為河帥者皆咨其方略故通籌利害孰悉源流隨地隨時深權形變而終守潘季馴之說以靳輔陳漢為善因蓋皆目驗心稽不為高論近儒錢竹汀力攻潘氏之河防一覽經生之言恐不足据也慎伯於賈讓徙地之議徐有貞醜渠之策以及近世派江龍鐵版帚揆沙之法皆痛闢之其間河日記載吾鄉裴古愚總兵治蹟數事修府縣志所不可不采也嘉慶以後吾越一二品大員武臣卓三可傳者祇裴公安邦及葛壯節公雲飛二人文臣則惟湯文瑞公一人耳

二十七日庚寅曜

得嚴菊泉師九月四日嘉興書菊翁年將八十

而手書端謹字益腴潤可敬也書言於學署中種竹栽桑課二子讀書自忘其老令人羨菊翁垂六十始得子今皆為諸生來書言科試一子第三一子第六皆可補廩膳矣 閩吳卓信漢書地理志補注卓信字士峯一字頊儒常觀史貞平年六十餘所著尚有三國志補注及廣說親皆已佚又有古文集同縣陳揆為刻之亦不傳此書共一百三卷李中著鈔得其副後歸潘芸閣侍郎錫恩道光二十八年涇人包益開慎言慎伯孫子始為刻之江甯其書取班志原文每句之下引證諸書搜采頗富間亦附以按語其於顧氏祖禹讀史方輿紀要全氏祖望地理志稽疑錢氏坫新輯注地理志采取尤多然其各郡下所云今某地者亦時有舛漏又校勘粗疏誤文甚眾為可惜也

邱鈔

吳崇泰原任陝西巡撫通事三曾孫賜光祖於同治二年引見承襲等職身歷廣以等侍衛用在大門上行差分在廣福常差是年告假回籍原任廣福曾孫世亨之曾孫科成龍於同治三年八月引見承襲三年壯壯伯仍回本省候補學司因分領無力留京供職赴奉賢候補兵部隨同堵剿在營日久著有微勞懇例應以副將來將用准四川副將銜例准遞迴本省請恩補准當於四川以滿聲德補記部請奉

詔兵部尚書廣壽都察院左都御史景廉吏部左侍郎彭久餘鑲藍旗滿洲副都統興林均加恩在紫禁城內騎馬

二十八日辛卯曜

閱養新錄附注其祇紙一條恩曰容一條皆足補正

錢氏之說有功於小學因文稍錄不及肯載它日輯筆記時當錄出之

族姪謙自天津書來屬宏義酒賈高姓來取所購衣裳等物當即

作書付之

二十九日壬辰曜

上午步詣孺初久談孺初贈安南奇楠木手珠一串

瓊州奇楠木項珠一串此非予所喜而孺初必以為贈因辭不得此老鄭重之意可感也廉泉所慨聲香遠聞較之同心之蘭尤為貴矣孺初言

瓊州所產本勝日南今土人利在連售多所新樹故若無若舊者耳

閱養新錄

即鈔

上諭鴻臚寺少卿梁僧寶奏病難速痊懇請開缺一摺梁僧寶著准

其開缺調理

開寶與參等覆議廣勘本錄厥初僧寶後知聖意不遂據奏嘉慶五年御史平從監載琳撤出廣勘班為此而詰旨又不同茲兩宮以僧寶重懷家事也故僧寶此疏有相諸舊典未達時趨及詞其不速得甚休危之語

三十日癸巳曜稍餘

第頭

閱潛研堂集

袁爽咏來

夜鈔補漢書蕭望之傳一葉蕭育傳一葉汲版後印者俱缺此四

葉予向據南監本及官本以密行小字寫一紙補之今依初印汲本知

更寫然此四葉中汲本誤者四處脫者兩處詞字誤詩務字誤於

蕭育傳其

務為民陰害

蕭咸字仲君脫君字傳贊哀哉下脫不然二字

邱鈔

上諭前因浙江學政胡瑞瀾奏覆訊民婦葛畢氏因姦毒斃本夫葛品蓮分別定擬一摺當交刑部速議具奏旋據給事中邊寶泉奏案情未協請提交刑部辦理亦經諭令該部詳細研求茲據該部奏稱察覈此案原題情節與現供歧異甚多請飭再行嚴訊等語著胡瑞瀾按照刑部所指各節提集犯證將覆訊與原審情節因何歧異之處逐一研究明確毋枉毋縱總期情真罪當一切持平不得稍涉含糊意圖遷就並將詳細供詞聲叙明晰定擬具奏

聞主此較若全出翁侍郎同懋力與尚書桑春榮爭而得之也浙人多言

王殺葛品蓮若實餘杭和縣劉錫彤之子某及兵房吏某協謀而嫁禍於楊乃武且脅誘藥肆人為之護縣之幕友某若為之計畫餘杭士夫言之甚悲而錫彤若鹽山人大學士寶鑒之鄉試同年也故葛畢氏供及劉某承審官輒置不問且以非刑休之翁侍郎未得其原供而此次胡瑞瀾所寄迭供詞亦有及劉某若侍郎因指劉某何以不一傳質為大疑其隙歧互甚原定議駁奏若侍郎者可謂不負所職矣

十月甲午朔暝餼

寫大卷周禮一開今雅半開

作片終紫

泉

作書致牧莊

爽煉來紫泉來午後偕至鐵門閱史傍晚

歸

印結局送來前月公費銀十兩

夜風連夕疾動

邱鈔

以國子監祭酒寶森為詹事府詹事

初二日乙未暝風

寫大卷今雅半開

收莊來賜談竟日至夜

三鼓共吃齋一甌而去

邱鈔

上諭御史梅啟熙奏請停止捐輸花翎及在任候選著該部議奏

初三日丙申暝

寫大卷周禮一開

作書致冒夫偕別下齋叢

書連日閱潛邱劄記七發廣陵觀濤之為今揚州江都地汪容甫之說甚塢無以易之閻氏亦以曲江為錢唐江同竹垞之說已為非是至云漢景帝時會稽郡省併入江都國則大誤矣漢志會稽郡下云景帝四年屬江都屬揚州屬之云者謂以會稽郡屬於江都國非省郡而併入江都國也故下云屬揚州謂武帝時江都國已除始分天下為十三州置都刺史以會稽郡屬揚州可得謂省併入揚州乎且班氏於廣陵國下云江都易王非廣陵屬王胥皆都此并得鄣郡而不得吳所謂吳者即楚漢之際項氏分會稽所立吳郡後至武帝時始省者

此用全氏祖望至王厚齋說以漢印臣表漢印傳政當時有吳郡無縣也劉原父及顧亭林何義門陳碩甫所說皆非

然則江都國祇兼二郡吳郡尚不得何論會稽故劉貢父刊誤謂會稽未嘗屬江都金輔之泰漢郡國攷直以志景帝四年屬江都七字為衍文金謝

山地理志稽疑改定此條云原本會稽郡秦置高帝六年為荊國十二年
更名吳景帝四年屬江郡屬揚州當云會稽郡故秦郡楚漢之際
屬楚國分置吳郡高帝五年屬漢仍屬楚國六年屬荊國十二年屬
吳國景帝四年復故武帝時省吳郡屬揚州慈銘案全氏此條亦有
可商故秦郡三字當仍舊作秦置楚漢之際屬楚謂屬項氏也當去國
字仍屬楚國四字當作以屬楚國謂屬韓信也景帝四年復故六字無
著當省去全氏蓋據虞翻傳注引會稽典錄朱育之言以景帝四年吳王孫
誅乃復為郡也然上既繫云屬則其為郡自如故漢書外戚傳文帝尊母
薄姬父為靈文侯會稽郡置園邑三百家是當吳淠時未嘗省郡矣
初四日丁酉晨霽晴相間上午霽下午薄暝

終日閱漢書地理志

會稽郡鄞下云有鎮亭即今之天台也又云有越天門山即今之南田島也明時為昌國衛天台大山不容自晉以前名不見於史志蓋鎮亭天台皆晉之相轉大清一統志云鎮亭山在奉化縣西南一百里山極高大南自天台西連四明蓋已明知為即天台山而不敢質言之觀文選注引支遁天台山銘及名山略記知天台之名起於道佛之書東晉風流崇尚釋老鋪叙山水精藍名剎點飾為工於是天台既名而沃洲天姥之號日以紛衍無復知有鎮亭者矣 夜大風頗患欹欵

邱鈔

詔候補侍郎郭嵩燾署理兵部左侍郎兼在總理各國事務衙門行

走

兵部左侍郎為胡瑞澗本缺殷兆鏞兼署

初五日戊戌曜

終日閱地理志補注感寒數軟頗不快

付賃屋

銀四兩岑福工賃錢十千陳媼五千

漢志餘暨蕭山潘水所出東入海

又上虞柯水東入海水經注謂潘水即浦陽江之別名柯水疑即上虞江蓋
道元未到東南亦必確稽其地知今時永興上虞實已無此兩水故指兩江以為
疑辭浦陽江宋以後謂之錢清江今俗謂之西小江也上虞江宋以後謂之曹娥
江今俗謂之東小江也然二江皆原出烏傷今義烏山中由諸暨至蕭山之義橋行
匯錢唐江水而其流始大曹娥江亦即所分之東流漢末以後皆謂之浦陽江
非兩水也蕭山即在今蕭山縣治城內安得謂浦陽江出此乎使班氏果以潘水
當浦陽江則何不系之於烏傷諸暨下乎蓋古水多湮不可攷矣

初六日己亥曜

終日校閱地理志

柳學聖解會日計
丙集第二集

郎鈔

上諭吏部奏遵議劉嶽昭處分一摺雲貴總督劉嶽昭自奏報啟程後任

意耽延實屬玩泄著照部議即行革職

廣西巡撫劉長佑湖南新甯人己酉拔貢為雲貴總督以廣西布政使嚴樹森四川新繁人舉人

為廣西巡撫以甘肅按察使楊重雅江西德興人辛丑進士為廣西布政使以甘涼兵備

道成定康湖南甯鄉人康貢為甘肅按察使

初七日庚子曜得旨夫書并召蔣氏別下齋叢書見偕作書

致紫泉嚴鹿谿來紫泉來殷夢庭來偕三君暢談畱共

夜飯後去是日稍蘇

郎鈔三品卿銜候選道劉錦棠補授甘肅甘涼兵備道工科給事

中陳彝授雲南曲靖府知府

初八日辛丑晨至上午散雪終日霽霽

外王母節孝孫恭人忌日外

王父茂才倪公以是月三日生四日卒予本擬于初四日供餽而比來窘甚故以今日并設奠薦豚肩雞臠魚鳥等肴饌十器冬筍大酏一器時果四盤饌頭一盤蓮子湯一巡酒三巡飯兩巡茶兩巡哺後數事外王父平時甫踰二十外

王母亦僅長一年先恭人遺腹五月後生也每述零丁孤苦及天寒歲暮操

作之勞涕淚與俱言之甚慘外王母晚年不能行步目又不見物予庚戌歲

補諸生外王母撫之喜甚謂予曰聞汝讀書過勞日夕不出戶我今所患汝之

鑒也我自孀居後日持女功夜惜油火常暗作之冬夜寒甚盤足坐牀上一鐙僅可辨內外五更倦甚眼光常突欲墮若而目足俱廢其分也汝當戒之又屈

指曰明年有恩科汝發達可計日而得恐我不及見耳它日承官袍至我墓前為洗一盞麥飯也烏虜外王母即以是年卒而予至今老病益窮矣悲夫

作書致孺初饋以雞豚及果八枚得復

得紱文書以

喜雪五言律一首索咏

閔李香子富孫漢魏六朝墓銘纂例共四卷

肯有自序因朱竹垞氏之言取隸釋隸續所載漢碑及六朝人碑製以補王止仲之所未逮條列眾體攷證為詳然近時為此學者吳江郭頻伽

漢應

有金石例補荆谿吳荆石有漢魏六朝金石志纂例劉楚楨有漢石例皆本朱氏之言以為搜輯各不相謀而李書為最詳劉書專取漢代為最有體要竊謂文章本無一定之例自南宋以後濫為酬應文人益多而文日益畧改潘氏舉韓文為例以據之取法乎近以曉流俗也降及晚明江湖小人惡

札充塞至為猥賤故梨洲黃氏復為要例自唐宋諸家以及元明著其文
之流變以見例之不可盡無皆非為考據計也竹垞好博意在復古而漢
人不盡是通儒其碑亦非盡出能文之人龐雜牴牾吾任意而出諸君區
拾錯雜紛紜欲求例而轉無例可稽蓋祇可荀漢碑碣之攷據不足為文
章之義法故嘉興馮柳東金石綜例學海堂遂收入經解而潘王黃氏之
本意蓋以失矣至錢唐梁諫庵之誌銘廣例則標舉破碎尤足充博士
技兩耳香子亦號薌社嘉興貢生武曾先生之五世孫也其書已刻若有李氏
周易集解贍義三卷三傳異文釋十二卷禮記異文釋八卷說文辨字正
俗八卷及此書皆湛精漢學者其兄超孫字奉墀一字引樹乾隆乙卯
舉人道光時官會稽學教諭若十餘年以疾歸著有詩民族攷六卷

拙守齋詩文彙十卷皆已刻、夜間劉公馥體仁七頌堂詞繹一卷
彭駿孫孫適金粟詞話一卷吳仲倫德旋古文緒論一卷公馥於詞本
非名家其書標舉甚高強作解事山谷所謂隔簾聽琵琶也義門
詞品格亦畧而稍有悟入處故言雖踈近轉為得理仲倫著有初月
樓文彙初月樓聞見錄及論書隨筆諸書其古文墨守桐城此書雖
於方劉尚有不足之辭而傾倒姚氏甚至其言文法全自茅沈所選八家
中討生活不過搭大時文識見所論周秦以至唐人浮辭贅說無一得其
要領至謂劉海峯最講音節有絕好之篇朱梅屋學韓其集中書
一體最佳可傳張鱸江取道甚正魯賓之清而能瘦其氣亦疏皆何
異癡人說夢也